
OFFERYNNAU STATUDOL CYMRU

2017 No. 1022

Rheoliadau Casglu a Rheoli Trethi (Gweinyddu) (Cymru) 2017

RHAN 4

Datrys anghydfodau o ran a yw dogfen yn ddarostyngedig i fraint broffesiynol gyfreithiol

Gweithdrefn pan fo anghydfod ynghylch hysbysiad gwybodaeth a roddir yn ystod archwiliad eiddo

- 11.**—(1) Mae'r weithdrefn a ganlyn yn gymwys pan fo anghydfod yn dod o fewn rheoliad 8(a)(ii).
- (2) Ar ôl cael yr hysbysiad gwybodaeth, rhaid i dderbynydd yr hysbysiad—
- (a) dangos i ACC bob dogfen sy'n ofynnol o dan yr hysbysiad gwybodaeth y mae anghydfod yn ei chylch; a
 - (b) rhoi unrhyw ddogfen y mae anghydfod yn ei chylch mewn cynhwysydd priodol sy'n rhwystro'r cynnwys rhag bod yn weladwy.
- (3) Rhaid i'r cynhwysydd—
- (a) cael ei selio, ei labelu a'i lofnodi gan dderbynydd yr hysbysiad;
 - (b) cael ei gydlofnodi gan ACC; ac
 - (c) cael ei gadw gan ACC.
- (4) O fewn 42 diwrnod gwaith i gael y cynhwysydd, rhaid i ACC—
- (a) danfon y cynhwysydd i'r tribiwnlys gyda'r sêl yn gyflawn ynghyd â chais i'r tribiwnlys; a
 - (b) anfon copi o'r cais hwnnw at dderbynydd yr hysbysiad.